

ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N 3

1. Ընդհանուր տեղեկատվություն

Ծրագրի անվանում	Տարեց և (կամ) հաշմանդամություն ունեցող անձանց խնամքի տրամադրում սոցիալական հոգաժողովան ցերեկային կենտրոնում (Տաշիր)
Դրամաշնորհի N	«1032-11003/24-ԼՑ»
Դրամաշնորհատու կազմակերպություն	ԱՍՀՆ
Դրամաշնորհառու կազմակերպություն	«Հայկական Կարիտաս» ԲՀԿ
Ծրագրի իրականացման ժամանակահատված	03.01.2024 - 31.12.2024
Հաշվետու ժամանակահատված	01.07.2024-30.09.2024
Ներկայացման օր	14.10.2024
Հաշվետվության պատասխանատու (անուն, ազգանուն, պաշտոն)	Տիգրանուհի Տարախյան, ծրագրի ղեկավար

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 և թիվ 7 հավելվածներով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Ծրագրի շրջանակներում նախատեսված է տարեցներին տրամադրել հետևյալ ծառայությունները՝

- Ամենօրյա ցերեկային խնամք,
- Շահառուների կարիքի գնահատում, վերագնահատում, ըստ կարիքի գնահատման՝ անհատական սոցիալական ծրագրերի կազմում և համապատասխան գրանցումների կատարում,
- Ուղղորդում, ուղեկցում և համապատասխան աջակցության ցուցաբերում,
- Օրական մեկանգամյա սննդի տրամադրում՝ (շաբաթական 5 օր),
- Բուժքույրական խնամքի, խորհրդատվության և աջակցության տրամադրում, ներառյալ դեղորայք՝ ըստ կարիքի,
- Շահառուների հիգիենիկ խնամքի կազմակերպում, որը ներառում է լոգանքի, վարսահարդարման, լվացքի ծառայությունների մատուցում,

- Շահառուների նախասիրությունների բացահայտում, խմբակների ձևավորում, զբաղվածության և ժամանցի կազմակերպում,
- Միջոցառումների կազմակերպում /էքսկուրսիաներ, տոների և հիշարժան օրերի նշում/:

2.2. Խնդրում ենք նկարագրել միջոցառման առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ միջոցառման խնդիրների/նպատակի իրականացմանը:

Հաշվետու ժամանակահատվածում իրականացվել են հետևյալ հիմնական գործողությունները՝

- Կենտրոնի սոցիալական աշխատողի կողմից կատարվել է ծրագրում ընդգրկված նոր շահառուների կարիքի գնահատում, անհատական սոցիալական ծրագրերի կազմում և վերանգնահատում:
- Կազմակերպվել և իրականացվել է 19 տարեցի ամենօրյա տրանսպորտով տնից կենտրոն և հակառակ ուղղությամբ տեղափոխման աշխատանքներ:
- Կատարվել է այցելություն հիվանդության պատճառով բացակայող տարեցներին:
- Շահառուներին տրամադրվել է բուժքույրական խնամք, խորհրդատվություն և աջակցություն՝ ներառյալ ըստ կարիքի դեղորայք: Կատարվել է վիրակապություն չորս շահառուի: Մի խումբ շահառուներ նաև օգտվել են մերսման սարքերից: Անհրաժեշտության դեպքում ուղղորդվել են բուժհաստատություն:
- Կազմակերպվել են հիգիենայի պահպանման օրեր: Կամավորի օգնությամբ հարդարվել են 27 տարեցի մազեր:
- Կազմակերպվել է լվացքատան գործունեությունը՝ լվացվել է տարեցների հագուստը, անկողնային պարագաները և արդուկված վերադարձվել է շահառուներին:
- Տրամադրվել է ամենօրյա տաք սնունդ կենտրոն հաճախող բոլոր շահառուներին՝ ըստ նախապես մշակված սննդակարգի:
- Իրականացվել են ասմունքի, այգեգործության, շյուղագործության և կարի խմբակների աշխատանքները՝ ըստ նախորոք կազմված ժամանակացույցի:
 - Ասմունքի խմբակի կողմից ժամանակացույցով հատկացրած ժամերին իրականացվել են միջոցառումներ:
 - Կարի խմբակի 4 տատիկների ուժերով հաշվետու ժամանակահատվածում կենտրոնի անձնակազմի համար կարվել է 36 հատ ամանի սրբիչ, 17 հատ երեսի սրբիչ, նաև վերանորոգվել են շահառուների բերած հագուստները:
 - Շյուղագործության խմբակի 4 տատիկներ խմբավարի հետ համացանցից ընտրել են գործվածքի տարբեր նախշեր և գործել են 2 հատ մանկական բլուզ,

2 հատ տարատ և 2 զույգ գուլպա:

- Այգեգործության խմբակի անդամները շարունակել են բանջարանոցի տարածքի մոլախոտերի մաքրման, բերքի մշակման, տնկիների ջրման և բերքահավաքի աշխատանքները: Մասնակցել են 12 շահառու:

Իրականացվել են հետևյալ միջոցառումները՝

- Հուլիսի 9-ին անցկացվել է Վ.Տերյանին նվիրված միջոցառում, որին ակտիվ մասնակցություն են ունեցել 9 շահառու:
- Հուլիսի 24-26-ին «Հայկական Կարիտաս» Տաշիրի ՏՑԽԿ-ում կայացել է դոմինոյի մրցույթ, որին ակտիվ մասնակցություն են ունեցել 16 շահառու:
- Օգոստոսի 15-ին կենտրոնում նշվել է երիտասարդության միջազգային օրը, որին հրավիրված էր Լեռնահովիտի դպրոցի պարի խումբը պարուսույց Սուսաննայի հետ: Տարեցներից ակտիվ մասնակցություն են ունեցել 9 շահառու:
- Սեպտեմբերի 23-ին կենտրոնում անցկացվել է ՀՀ անկախության օրվան նվիրված միջոցառում, որին ակտիվ մասնակցություն են ունեցել 12 շահառու:
- Բուժքույրի կողմից անցկացվել է բժշկական խորհրդատվություն տարբեր թեմաներով՝ մրսածություն, հարբուխ, չոր և թաց հազ, երիկամների հիվանդություններ, մեջքի ցավեր, անցողիկ շրջան՝ աշնանային վիրուսների ակտիվացում, պրոֆիլակտիկ միջոցներ:
- Անցկացվել են ինտելեկտուալ և ժամանցային խաղեր:

Տարեցները սոցիալականացված են և ներգրավված են տարբեր սոցիալական և ժամանցային միջոցառումների մեջ: Նրանք շրջապատված են խնամքով և ուշադրությամբ, նրանց մեկուսացման և մենակության զգացումը հասցվել է նվազագույն մակարդակի:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

- Սեպտեմբերի 23 - Հայաստանի Հանրապետության անկախության օր
<https://www.facebook.com/share/p/RgTXbMEzLHgTvQkR/?mibextid=WC7FNe>

Առկա են միջոցառումների և ընթացիկ աշխատանքների նկարներ :

Եռամսյակային հաշվետվությանը կից ներկայացնում ենք հաջողության պատմություն և նկարներ:

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

ՀԱՇՎԵՏՎՈՒԹՅՈՒՆ

«Հայկական Կարիտաս» բարեսիրական հասարակական կազմակերպության ցերեկային կենտրոնում շահառուներին մատուցված ծառայությունների վերաբերյալ

h/h	Մատուցվող ծառայության անվանումը	Ծառայություն ստացած անձանց թիվը
1.	հաշվետու ժամանակահատվածի՝ սկզբում/վերջում շահառուների թվաքանակը	48/46
1.1	այդ թվում՝ կին	35/35
1.2	այդ թվում՝ հաշմանդամություն ունեցող անձինք՝ 18-65 տարեկան	3/3
1.2.1	այդ թվում՝ կին	3/3
1.2.2	18-40 տարեկան	0
1.2.3	40-65 տարեկան	3/3
1.3	65 տարեկանից բարձր	45/43
2.	մեկանգամյա սննդի տրամադրում	48/46
3.	կարիքի գնահատում	48/46
4.	Աշխատանքային/արտթերապիայի որոշակի տեսակների կազմակերպում	48/46
5.	Խմբակների կազմակերպում	33
5.1	Ասմունք և երգ	13
5.2	Կարի	4
5.3	Շյուղագործություն	4
5.4	Այգեգործություն	12
5.5	Տարբեր խաղեր մատորիկայի զարգացման համար	38
6.	Մշակութային միջոցառումների կազմակերպում	4
6.1	Այդ թվում՝ կենտրոնից դուրս	0
7.	Այլ ծառայություն <ul style="list-style-type: none"> • բուժքույրի ծառայություններ • լվացքատան ծառայություններ • վարսահարդարման ծառայություն 	48/46 15 շահառու (ընդամենը՝ 114 անգամ) 27 շահառու (ընդամենը՝ 38 անգամ)

Կազմակերպության գործադիր տնօրեն՝ Գ. Տարապյան



ՊԱՏՎԻՐԱՏՈՒ

ՀՀ աշխատանքի և սոցիալական հարցերի նախարարություն
Գլխավոր քարտուղար՝ Ս. Մուրադյան

(ստորագրություն)

Կ.Տ.

ԿԱՏԱՐՈՂ

«Հայկական Կարիտաս» բարեսիրական հասարակական կազմակերպություն
Գործադիր տնօրեն՝ Գ. Տարասյան



(ստորագրություն)